

吳鞠通先生

吳瑭。字鞠通。清河縣人。九歲父病。年餘。卒致不起。遂發憤事醫。長客京師。頗多治驗。其學師法葉天士。就葉氏遺文揣摩研索。成溫病條辨一書。行於世。其他有醫醫病書一種。亦爲後人所傳誦。

錄 目 案 医 通 鞠 吳

癡狂	肋痛	厥症	中風	瘡疾	燥症	濕溫	暑溫	傷寒
.....
二〇	一七	一五	一五	一四	一三	一〇	六	一

泄瀉	淋濁	積聚	痢疾	腫脹	便血	衄血	吐血	虛勞
.....
一六	一六	一七	一三	一〇	元	元	六	四

吳鞠通醫案

武進徐衡之編纂
嘉定姚若琴

傷寒

昨服開肺。與大腸痺法。溼滯已下。小便亦清。身熱已退。但大便與痰中微有血跡。症從寒溼化熱而來。未便即用柔藥以清血分。今日且與宣行肺腸。右脈仍見數大。可加苦藥。如明日血分未清。再清血分未遲。

飛滑石 半夏 生苡仁 杏仁泥 厚朴 黃柏炭 黃芩炭 廣皮 細蘇梗

中風漏汗。兼之腎水上凌心。心悸腹痛。昨用桂枝加附子湯。諸症悉退。今左脈沈緩。右脈滑數。表雖清而濁陰未退。議苓桂伐腎邪。歸茴溫衝脈。吳萸半夏生薑兩和肝胃。白芍以收陰氣。合桂枝而調營衛。加黃芩。一以清風化之熱。合諸藥爲苦辛通法。此外感之餘。兼有下焦裏症之治法也。

茯苓塊 桂枝 淡吳萸 薑半夏 青皮 全當歸 小茴香 生薑 黃芩炭 焦白芍

脈緩。濁陰久踞。兼有滯物續下。用藥仍不外苦辛通法。稍加推蕩之品。因其勢而利導之大意。通補陽明之陽。正以驅濁陰之陰。若其人陽明本旺。胃陰自能下降。六腑通調。濁陰何以能舉。再胃旺自能坐鎮中州。濁陰何能越胃而上攻心下。反覆推求。病清自現。

桂枝尖 厚朴 焦白芍 茯苓塊 青皮 小枳實 淡吳萸 烏藥 廣木香 小茴香 廣皮
黃芩炭 川棟子

凡痛脹滯下。必用苦辛通降。兼護陽明。固不待言。前法業已見效。細詢病情。已十有餘年。以半產後得之。誤用壅補而成。按久病在絡。再痛脹偏左。下至少腹。扳着其中。必有瘀滯。非純用湯藥所能成功。蓋湯者蕩也。滌蕩腸胃。通和百脈。固其所長。至於細雕密鏤。緩行攻絡。是其所短。非兼用化積回生丹。緩通不可。且湯劑過重。有瘕散爲蟲之虞。不得不思患預防也。

桂枝尖 半夏 廣木香 炒白芍 厚朴 地榆炭 降香末 紅花 炒桃仁 川棟子

小茴香 廣鬱金 全當歸 烏藥 兩頭尖 黃芩炭 黃連 廣炭 甘瀾水煎

今年風木司天。現在寒水客氣。故時近初夏。猶有太陽中風之症。按太陽中風。係傷寒門中第一關。最忌誤下。時人不讀晉唐以上之書。故不識症之所由來。仲景謂太陽至五六日。太陽症不罷者。仍從太陽驅去。宜桂枝湯。現在頭與身仍微痛。既身熱而又仍惡風寒。的是太陽未罷。理宜用桂枝湯。但其人素有溼熱。不喜甘。又有微咳。議於桂枝湯內去甘藥。加辛燥。服如桂枝湯法。

桂枝 半夏 廣皮 白芍 杏仁

太陽中風誤下。前日先與解外。昨日太陽症罷。即瀉胸痞。今日胸痞解。惟自利不渴。舌灰白。脈沈數。經謂自利不渴者。屬太陰也。太陰宜溫。但理中之人參甘草恐不合拍。議用其法而不用其方。

茯苓 蒼朮炭 乾姜 半夏 廣皮炭 生姜

太陽中風。先與解外。外解已。卽與瀉。誤下之胸痞。痞解而現自利不渴之太陰症。今日口不渴而利止。是由陰出陽也。脈亦頓小其半。古云。脈小則病退。但仍沈數。身猶熱而氣粗不寐。陷下之餘邪不淨。仲景傷寒論。謂真陰已虛。陽邪尙盛之不寐。用阿膠雞子黃湯。按此湯重用黃芩黃連。議用甘草瀉心法。

半夏 黃芩 生姜 雲苓 川連 大棗 甘草

再診脈沈數。陰經熱。陽經不熱。是陷下之餘邪在裏也。氣不伸而噦。噦者傷寒門中之大忌也。皆誤下之故。議少用丁香柿蒂湯法。加黃連以徹裏熱。疏逆氣。

公丁香 黃芩 柿蒂 真川連 廣皮 薑汁

三診誤下成胸痞自利。兩用瀉心。胸痞自利俱止。但陷下之邪與受傷之胃氣搏而成噦。昨用丁香柿蒂湯。去人參。加芩連。方雖易。仍不外仲景先

師苦辛通降之法。病者畏而不服。今日噦不止。而左脈加進。勉與仲景噦門中之橘皮竹茹湯。其力量減前方數等矣。所以如此用者。病多一日。則氣虛一日。仲景於小柴胡湯中卽用人參。况誤下中虛者乎。

廣皮 半夏 生姜 竹茹 炙甘草 人參 大棗

四診誤下之陷症噦而喘。昨連與金匱橘皮竹茹湯。一面補中。一面宣邪。茲已邪潰。諸惡候如矢。脈亦漸平。但其人宗氣受傷不淺。議與小建中湯。加橘皮半夏。小小建立中氣。調和營衛。兼宣胃陽。令能進食安眠。

焦白芍 桂枝 生姜 新會皮 半夏 大棗 炙甘草 膠飴

太陽中風。耽延五日不解。衝氣上動。宛若奔豚。腹滿泄瀉而渴。兼有少陰症矣。兩脣兩感。太陽少陽。並見一兩感也。其人積怒內傷。又加外感。此二兩感也可畏之至。且先伐其衝氣。

桂枝 雲苓塊 川芎 當歸 川椒炭 生姜

復診太陽少陽兩感。衝氣上動如奔豚。與蒼桂薑伐腎邪。今日一齊俱解。脈靜身涼。衝氣寂然。可喜之至。微有痰飲咳嗽。當與利胃令能食。

雲苓塊 桂枝 生姜 姜半夏 廣皮 大棗 焦白芍

太陽中風汗多。誤與收澇。引入少陽。寒熱往來。口苦脈弦。與小柴胡湯和法。其人向有痰飲喘症。加枳實橘皮去人參。

柴胡 姜半夏 生姜 廣皮 小枳實 大棗 炙甘草 黃芩炭

暑 溫

世人悉以羌防柴葛治四時雜感。竟謂天地有冬而無夏。不亦冤哉。以致暑邪不解。深入血分成厥。衄血不止。夜間煩躁。勢已膠固難解。焉得速功。

飛滑石 犀角 冬桑葉 羚羊角 元參 鮮芦根 細生地 丹皮 鮮荷葉邊 杏仁泥

小便短而赤甚。微咳。面微赤。尺脈仍有勁數之象。議甘潤益下。以治虛熱。少佐苦味。以治不盡之實邪。且甘苦合化陰氣而利小便也。按甘苦合化

陰氣利小便法。舉世不知。在溫熱門中。誠爲利小便之上上妙法。蓋熱傷陰液。小便無由而生。故以甘潤益水之源。小腸火腑。非苦不通。爲邪熱所阻。故以苦藥瀉小腸而退邪熱。甘得苦則不呆滯。苦得甘則不剛燥。合而成功也。

生薑甲 元參 麥冬 生白芍 沙參 麻仁 川連 阿膠 丹皮 炙甘草

暑溫。舌苔滿佈。色微黃。脈洪弦而剛甚。左反大於右。不渴。初起卽現此等脈症。恐下焦精血之熱。遠甚於上焦氣分之熱也。且舊有血溢。故手心熱。又甚於手背。究竟初起。且清上焦。然不可不心知其所以然。

連翹 細生地 粉丹皮 銀花 苦桔梗 白茅根 麥冬 牛蒡子 香豆豉 薄荷 元參

覆香梗 生甘草

向有失血。又屆暑病之後。五心發熱。法當補陰以配陽。但脈雙弦而細。不惟陰不充足。卽真陽亦未見其旺也。議二甲復脈湯。仍用舊有之桂枝薑棗。

白芍 大生地 沙參 桂枝 生鱉甲 麥冬 麻仁 生牡蠣 生薑 阿膠 炙甘草
大棗

暑熱木易傷陰。誤用消導攻伐，重傷陰氣，致令頭中耳中鳴無止時。此係肝風內動。若不急救肝腎之陰，痠癢熱厥立至矣。

大生地 麥冬 生牡蠣 炒白芍 丹皮 菊花炭 生鱉甲 桑葉 炙甘草 火麻仁

頭痛。左關獨高。責之少陽內風掀動。最有損一目之弊。若以爲外感寒則遠甚矣。議清少陽膽絡法。再此症除左關獨高。餘脈皆緩。所謂通體皆寒。一隅偏熱。故先清一隅之熱。金匱爲先治新病。宿病當後治也。

羚羊角 丹皮 茶菊花 苦桔梗 生甘草 薄荷 刺蒺藜 桑葉 鮮荷葉 鈎藤鈎

復診。前日左關獨浮而弦。係少陽頭痛。因暑而發。用清膽絡法。茲左關已平其半。但緩甚。舌苔白厚而滑。胸中痞悶。暑中之熱已解。而溼尙存也。議先宣上焦氣分之溼。

生苡仁 飛滑石 霍香梗 杏仁泥 半夏 廣郁金 旋覆花 廣皮 白通草 茯苓皮

白薏仁

六脈洪大之極。左手更甚。目邪視。怒氣可畏。兩臂兩手捲曲而痠癢。舌邪向。不語三四日。面赤身熱。舌苔中黃邊白。暑入心包。膽絡。以清心膽之邪爲要。先與紫雪丹。

連翹 羚羊角 竹茹 金銀花 暹羅犀角 丹皮 麥冬 細生地 桑葉 天冬 鮮荷葉

暑溫誤表。致有譫語。邪侵心包。熱重面赤。脈洪數。手太陰症爲多。宜辛涼芳香。以清肺熱。開心包。陽有汗。陰無汗。及頸而還。極大症也。

生石膏 連翹 丹皮 飛滑石 銀花 桑葉 細生地 知母 甘草 苦桔梗

暑兼溼熱。暑溫不比春溫之但熱無溼。可用酸甘化溫。鹹以補腎等法。且無形無質之熱邪。每借有形有質之溼邪。以爲附依。此症一月有餘。僉用大劑純柔補陰退熱法。熱總未減。而中宮痞塞。得食則痛脹。非抹不可。顯係

暑中之溼邪蟠踞不解。再得柔膩膠固之陰藥。與邪相搏。業已喘滿。勢甚重大。勉與通宣三焦法。仍以肺氣爲主。著肺主化氣。氣化則溼熱俱化。六脈弦細而沈洪。

苡仁 生石膏 厚朴 杏仁 雲苓皮 青蒿 連翹 藿香梗 白蔻 銀花 鮮荷葉邊

暑溼誤用陰柔藥。致月餘熱不退。胸膈痞悶。前與通宣三焦。今日熱減。脈亦減。但痞滿如故。喘仍未定。舌有白苔。猶爲棘手。

生石膏 厚朴 藿香梗 飛滑石 連翹 小枳實 雲苓皮 廣皮 白蔻仁 生苡仁

濕溫

證似溫熱。但心下兩脅俱脹。舌白。渴不多飲。嘔惡噯氣。則非溫熱而從溼溫例矣。用生姜瀉心湯之苦辛通降法。

茯苓塊 生姜 古勇連 生苡仁 半夏 炒黃芩 生香附 乾姜

面赤目赤。舌苔滿佈。至重之濕熱病。脈反緩而弦。外熱反不盛。口反不

渴。肢微厥。所謂陽症陰脈。乃本身陽氣不能十分充滿。不肯化解耳。茲與化邪法。

廣鬱金 杏仁 藿香 苦桔梗 荊芥穗 連翹心 銀花 青蒿 香豆豉

六脈弦細而勁。陰寒證脈也。咳嗽稀痰。陰溼咳也。舌苔刮白而滑。陰舌苔也。嘔吐泄瀉。陰溼症也。雖發熱。汗出而解。乃溼中兼風。病名溼溫。天下有如是之陰虛症乎。

茯苓塊 桂枝 炒白芍 姜半夏 於朮 廣皮炭 生苡仁 澤瀉 生姜汁

復診。痰飲兼風。誤治成壞症。前用溫平逐飲除風。諸惡症俱減。惟寒少熱多。熱後汗出未除。現在面赤口渴。暮夜譫語。有風化熱之象。但六脈尚弦。未盡轉陽也。再咳嗽則胸脅小腹俱微痛。又有金木相尅像。

桂枝 生石礞 青蒿 半夏 茯苓塊 生姜 杏仁 焦白芍 大棗 豬苓 炙甘草

六脈俱弦而細。左手沈取數而有力。面色淡黃。目白睛黃。自春分午後

身熱。至今不愈。曾經大瀉後。身軟不渴。現在雖不泄瀉。大便久未成條。午前小便清。午後小便赤濁。與溼中生熱之苦辛寒法。

飛滑石 茵陳 蒼朮炭 雲苓皮 杏仁 晚蚕沙 生苡仁 黃芩 白通草 海金沙
川黃連

燥症

感受燥金之氣。腹痛泄瀉嘔吐。現在泄瀉雖止。而嘔不能食。腹痛仍然。舌苔白滑。肉色刮白。宜急溫之。兼與行太陰之溼。

雲苓塊 吳萸 川椒炭 姜半夏 良姜 益智仁 生苡仁 廣皮 公丁香

燥金感後。所傷者陽氣。何得以大劑熱地補陰。久久補之。胃陽困頓。無怪乎不能食而嘔矣。六脈弦緊。豈不知脈雙弦者寒乎。

半夏 雲苓塊 廣皮 苡仁 川椒炭 生姜 乾姜 公丁香

胃痛脅痛。或嘔酸水。多年不愈。現在六脈弦緊。皆起初感受燥金之氣。

金來克木。木受病未有不克土者。土受病之由來。則自金始也。此等由外感而延及內傷者。自唐以後無聞焉。議變胃而不受胃變法。即用火以克金也。又久病治絡法。

雲苓 生苡仁 枳實 半夏 川椒炭 生姜 廣皮 公丁香

感受燥金之氣。陽明之上。中見太陰。胸痛脅痛。腹脹泄瀉。飲咳。皆太陰病也。誤服寒涼。勢已重大。勉與開太陽闔陽明法。

雲茯苓 豬苓 厚朴 垂半夏 澤瀉 乾薑 桂枝 川椒炭 廣皮 廣木香

六脈陽微之極。弦細而緊。內而飲聚。外而癩痛。兼之內苛。飲食減少。得食嘔。乃內傷生冷。外感燥金之氣而然。以急救三焦之陽。與陽明之陽爲要。

桂枝 薑半夏 乾薑 降香 雲苓塊 苡仁 吳萸 川椒炭 廣皮 薤白 公丁香 生薑

燥金克木。連少腹久痛不休。腿脚俱痛。兼有溢飲。與陽明從中治法。

薑半夏 雲苓 淡吳萸 川椒炭 益智仁 良姜 公丁香 廣皮

瘧疾

但寒不熱。似乎牝瘧。然渴甚。皮膏捫之亦熱。乃伏暑內發。新涼外加。熱未透出之故。仍用苦辛寒法。加以升提。

飛滑石 花粉 藿香葉 杏仁泥 知母 廣鬱金 生苡仁 青蒿 白蔻仁 老厚朴 黃芩

妊娠七月。每日午後先寒後熱。到戌時微汗而解。已近十日。此上年伏暑成瘧。由初春升發之氣而發。病在少陽。與小柴胡法。

柴胡 姜半夏 生姜 人參 炙甘草 大棗 黃芩

體厚本有小腸寒溼。糞後便血。舌苔灰白而厚。中黑滑。嘔惡不食。但寒不熱。此溼瘧也。與刮法。

茯苓塊 生草果 熟附子 生蒼朮 杏仁 檳榔 黃芩炭 生苡仁

脈雙弦。伏暑成瘧。間三日一至。舌苔白滑。熱多陰少。十月之久不止。邪已深入。急難速出。且與通宣三焦。使邪有出路。勿得驟補。

雲苓皮 知母 杏仁泥 生以仁 炒黃芩 青蒿 藿香梗 姜半夏 白蔻仁

中風

左肢拘攣。舌厚而蹇不能言。上有白苔。滴水不能下咽。飲水則噎。此中風挾痰之實症。前醫誤與膩藥補陰。故隧道俱塞。先與開肺。

生石膏 杏仁 鮮桑枝 雲苓塊 防己 白通草 姜半夏 廣皮 羹三杯分三次服

中風神呆不語。前能語時。自云頭暈。左肢麻。口大歪。不食。六脈弦數。此痺中也。與柔肝法。

直生地 白芍 左牡蠣 生鱉甲 麥冬 炙甘草

厥症

肝陽上竄。因怒即發。十餘年矣。經云。久病在絡。豈經藥可效。再肝厥之症。亦有寒熱之不同。此證脈沈而弦細。其為寒也無疑。大凡寒厥必死。今不死者以其為腑厥而非臟厥也。現脅下有塊有聲。經色紫黑。議先用溫通絡